

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Promptvarii exequialis pars ...**

Continens centurias II. dispositionum, quibus themata funebria sive  
scripturae dicta varia ...

**Bidembach, Felix**

**Francofurti, 1625**

Thema LXVI.

[urn:nbn:de:bsz:31-130978](https://nbn-resolving.org/urn:nbn:de:bsz:31-130978)

## THEMA LXVI.

Gal. 3. v. 27.

*Quicumque baptizari estis, Christum induistis*

## DISPOSITIO.

Brevis est hæc, at insignis sententiola Pauli, quæ & de Baptismi præstantia atque efficacia & de certitudine salutis nostræ multa nos docere potest. Ideoq; digna quæ accuratissime notetur, præsertim cum hæc vna contra plurimum aduersariorum plurimos errores valeat plurimum.

Primum igitur singula verba Textus ponderabimus; Deinde quantum ex illis utilitatis capere possimus, subiciemus.

*Textus.*

Dixerat in præcedentibus Paulus, Per fidem nos posse filios Dei fieri. Jam vero in his verbis quæ immediate sequuntur, subiicit, quod nã sit sigillũ, sacramentum & documẽtum certissimum adoptionis nostræ, scil. Baptismus Per quem fides confertur & adoptio.

Hinc 1. Pet. 3. v. 21. vocatur stipulatio bonæ conscientie cum Deo. Huc referatur etiam definitio Baptismi quæ in Catechismo habetur.

2. De baptizatis igitur Paulus affirmat quod induerint Christum. Vbi notanda similitudo de iudumento. Sicut enim alias iudumentum operit & tegit nuditatem & deformitatem hominis, & pudendas corporis partes: Ita Christus cum omni sua iustitia & sanctitate indutus in Baptismo, tegit nostra peccata, quorum nos coram Deo pudere debeat. Et tegit is qui factus est iustificatio & sanctificatio, 1. Cor. 1. v. 30. quod nudum & miserum in nobis est, Apoc. 3. v. 17.

Cum enim propria nostra iustitia, quia vestis immun-da est, Esa. 64. non possumus nos contegere, Christus vere nuptialis vestis est, qua induti possumus apparere in conspectu Dei patris. Quæ qui carent, eiciendi sunt in tenebras

exte;

exterioriores, Matth. 22. Ideoque non frustra Paulus hor-  
tatur, Rom. 13. v. 14. Induamini Dominum Jesum.

3. Quomodo autem induimus ipsum?

1. In Baptismo hoc modo, quod ipsi sic incorporamur.  
vt participes siamus omnium beneficiorum ipsius, & sic  
tanquam vestem nobis applicamus ipsius iustitiam &  
sanctitatem, vt his ceu indumento inuoluti non nudi ap-  
pareamus coram Deo. Quod Paulus fieri vetat, 2. Cor. 5. v. 3.

4. Notanda etiam vocabula, *quicumque*, vel quotquot  
vestrum baptizati estis, Christum induistis. Quo ostendit  
Apostolus, Neminem excludi baptizatum à beneficiis il-  
lis celestibus. Licet enim ex parte hominum multi abu-  
tantur Baptismo: tamen ex parte Dei semper constat Ba-  
ptismi vera ratio.

## L O C I.

I. Videmus quanta sit efficacia sacri Baptismi: & quod  
Baptismus verum sit organum & medium seu instrumen-  
tum, per quod vere nobis confertur regeneratio, fides,  
adoptio peccatorum remissio, adeoq; salus æterna. Nam  
qui baptizati sunt, in mortem Christi baptizati sunt, Ro-  
man. 6. v. 3.

Hinc illa, Joan. 3. v. 5. & Eph. 5. v. 26. Imo expresse dici-  
tur, Tit. 3. v. 5. *saluos nos fecit per lauacrum*, Idem. 1. Pet. 3.  
v. 21. *Saluos fecit nos in Baptismo*.

Quinta hæc est consolatio omni baptizato, quod cer-  
to statuere potest se induisse Christum & saluum fore.

Impiæ igitur & desperatione pleni sunt voces eor-  
um, qui contendunt Baptismum non medium, sed signum  
tantum esse salutis. Item esse tantum signum & notam  
Christianæ professionis. Et in finita alia.

II. Magna consolatio piis parentibus est hæc, quod  
sciunt infantes baptizatos iam induisse Christum Ideoq;  
in Baptismo regeneratos. Joa. 3. v. 5. & mundatos à pecca-  
to, Eph. 5. v. 26. vt si maxime infanti ætate moriantur, an-  
tequam possint verbis explicare fidem suam, tamen de

Qq 3 illo

illorum salute nihil sit dubitandum. Quod enim tales credant, Christus auctor est, Matth. 18. v. 6. Ideoque vult ipso ad se venire & promittit eis regnum cœlorum. Mat. 19. v. 4. Marc. 10. v. 14. & hic nihil est dubitandum, aut curiose inquirendum, an in numero electorum sint: quia Pauli vox vniuersalis est, *quisunque* baptizati. Fulmine digna itaq; est vox illa, quæ parentibus piis omnem consolationem adimit, cum dicitur, Multos infantes baptizari, qui tamen in Baptismo non regenerentur, Vide Collog. Momp. de Baptismo.

III. Hoc autem notandum, quid de his sentiendum, qui in Baptismo quidẽ vere sunt regenerati, sed postmodum Christum quem induerunt per peccata iterum abiecerunt. Num verum adhuc Baptismum retinent.

Aut si resipiscunt suntne rebaptizandi?

Resp. Deus manet verax & seipsum negare non potest, 2. Tim. 2. v. 13.

Nec incredulitas hominum fidem Dei facit irritam, Rom. 3. v. 3.

Atque Deus pactum initum semper seruat, quantum in se. Ideoque cum per penitentiam redit peccator, non necesse est ipsum rebaptizari. Quia Baptismus est solennis obligatio, quod donata sit nobis participatio beneficiorum Christi, si credamus.

Nota hic simile D. Brentii super hunc locum.

Si nuptiæ semel in Ecclesia sunt benedictæ, & post cõiuges dissentiant, & tamen reconcilientur iterum: non oportet noua publica benedictione nuptiarũ in templo: quia redeunt ad ius primæ benedictionis semel factæ, &c. Patet hoc ex Jerem. 3. v. 1. Si dimiserit vir, &c.

Videatur etiam Examen Chemnitii de Baptismo parte 2. pag. 48.

F I N I S.

T H E M A L X V I I.

Galat. 6. v. 8.

*Quicquid seminauerit homo, hoc & metet.*

DISPO.